



Na osnovu člana 103. stav (1) tačka c) Zakona o visokom obrazovanju u HNK, članova 72., 128. stav (1) tačka c), 163. stav (1) Statuta Univerziteta „Džemal Bijedić“ u Mostaru, a u skladu sa članom 12. i 13. Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru i Odluci Senata, broj: 101-608/24 od 25.01.2024.godine, Senat Univerziteta „Džemal Bijedić“ u Mostaru raspisuje

JAVNI KONKURS ZA UPIS POLAZNIKA NA DOKTORSKI STUDIJ HISTORIJA BOSNE I HERCEGOVINE NA UNIVERZITETU „DŽEMAL BIJEDIĆ“ U MOSTARU

I) Informacije o studijskom programu

Naziv studijskog programa: Historija Bosne i Hercegovine na III ciklusu studija

Nivo: III ciklus studija (doktorski studij)

Broj ECTS bodova i trajanje studija: 180, 6 semestara

Vrsta studija: akademski studij III ciklusa/doktorski studij

Zvanje: Doktor humanističkih nauka, naučno polje Historija, sa oznakom naučne grane

Područje, polje, grane: naučno područje: humanističke nauke; polje: historija; grane: historija starog vijeka, historija srednjeg vijeka, historija novog vijeka i savremenog doba

Način izvođenja: redovno i vanredno, u sjedištu

Nosilac i izvođač studijskog programa: Fakultet humanističkih nauka Univerziteta „Džemal Bijedić“ u Mostaru.

Cijena studija: 15.000,00 KM (2.500,00 KM po semestru).

Doktorski studij Historija Bosne i Hercegovine se izvodi iz sljedećih naučnih grana:

- Historija starog vijeka,
- Historija srednjeg vijeka,
- Historija novog vijeka i savremenog doba.

II) Uslovi za prijavu

Pravo upisa na doktorski studij imaju svi kandidati koji ispunjavaju uvjete regulirane Zakonom o visokom obrazovanju HNK-a, Statutom Univerziteta „Džemal Bijedić“ u Mostaru, Pravilima studiranja trećeg ciklusa studija Univerziteta „Džemal Bijedić“ u Mostaru i Elaboratom o opravdanosti izvođenja studijskog programa Historija Bosne i Hercegovine na III ciklusu studija.

Na prvu godinu dokorskog studija mogu se upisati kandidati koji ispunjavaju slijedeće opće i posebne uslove a koji su definisani Pravilima studiranja trećeg ciklusa studija Univerziteta „Džemal Bijedić“ u Mostaru, kako slijedi:

A. Opći uslovi

- a) završen studij II ciklusa sa najmanje 300 ECTS bodova i najmanjom prosječnom ocjenom 8,00 ili ekvivalentna vrijednost na prvom i na drugom ciklusu;



- b) po ranije važećim propisima stečeno visoko obrazovanje u trajanju od najmanje 8 semestara s najmanjom prosječnom ocjenom 8,00, uz obavezu polaganja razlike predmeta koju utvrdi Vijeće.
- c) po ranije važećim propisima stečeni akademski naziv magistra nauka s najmanjom prosječnom ocjenom 8,00;
- d) završen specijalistički studij po ranije važećim propisima s najmanjom prosječnom ocjenom 8,00 uz obavezu polaganja razlike predmeta koju utvrdi Vijeće;
- e) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ovog stava s najmanjom prosječnom ocjenom 7,5 za društvene, humanističke, interdisciplinarnе nauke i područja umjetnosti, a za ostale nauke s najmanjom prosječnom ocjenom 7,0 uz dvije preporuke predmetnih nastavnika sa prethodnih ciklusa studija koje je kandidat pohađao;
- f) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ili završen studij iz alineje (d) ovog stava, pod uvjetom da kandidat ima najmanje dva objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama.

B. Posebni uslovi

- a) kandidati koji su nakon postdiplomskog naučnog magistarskog studija stekli diplomu magistra nauka iz oblasti historije (prije uvođenja Bolonjskog sistema trocikličnog studija) ili kandidati koji su nakon drugog ciklusa studija stekli diplomu magistra historije, odnosno po ranije važećim propisima stečeno visoko obrazovanje u trajanju od najmanje 8 semestara, nosilac akademske titule odnosno stečenog zvanja „profesor historije“;
- b) kandidatima za upis koji su stekli titulu magistra nauka iz područja historije prije uvođenja Bolonjskog sistema trocikličnog studija priznaje se 60 ECTS studijskih bodova.

Kandidati treba da posjeduju znanje stranog jezika važnog za predmetnu oblast.

Kandidati koji su studije završili u inostranstvu uz prijavu na konkurs podnose obrazovne isprave i rješenje o ekvivalenciji, odnosno nostrifikaciji, a ako je postupak nostrifikacije u toku dostavljaju dokaz o podnesenom zahtjevu. Pravo na upis kandidat stiče nakon donošenja rješenja o nostrifikaciji.

Uz prijavu na konkurs potrebno je priložiti sljedeće dokumente:

- biografija sa opisom stručne i naučne aktivnosti;
- izvod iz matične knjige rođenih (ovjerena kopija);
- uvjerenje o državljanstvu (ovjerena kopija);
- pasoš ili drugi adekvatan dokument za strane državljane (ovjerena kopija);
- potvrda o poznavanju stranog jezika;
- diploma o završenom VII/1 stepenu stručne spreme ili diplomskom akademskom studiju ili poslijediplomskom naučnom magistarskom studiju (ovjerene kopije);
- uvjerenje o položenim ispitima sa ostvarenim prosjekom ocjena iz prethodnih ciklusa studija;
- preporuke najmanje dva profesora (prilažu samo kandidati koji ispunjavaju uslove upisa iz tačke e);
- dokazi o objavljena najmanje dva naučna rada od kojih je najmanje jedan objavljen u



međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama (prilažu samo kandidati koji ispunjavaju uslove upisa iz tačke f).

Konkursna komisija će sa svim prijavljenim kandidatima obaviti intervju.

Konačnu odluku o upisu polaznika na doktorski studij Historija Bosne i Hercegovine, u skladu s prijavljenim brojem kandidata, će donijeti Vijeće dokorskog studija.

Sve potrebne informacije mogu se dobiti putem e-maila: celebija.tikvesa@unmo.ba ili putem telefona: + 387 (0)36 571 559.

Prijave se podnose poštom (preporučeno) ili lično na adresu:

Univerzitet „Džemal Bijedić“ u Mostaru, Fakultet humanističkih nauka

Sjeverni logor bb, 88104 Mostar

uz naznaku: **Prijava na Konkurs za doktorski studij Historija Bosne i Hercegovine**

III) Rok prijave na Konkurs

Konkurs ostaje otvoren do 16.2.2024. godine.